

欽定戶部漕運全書

欽定戶部漕運全書卷七十四目錄

採買搭運

採運米石

倉糧運通

採運米石

一奉天倉貯溢額粟米分年運通係奉天委員
海運至天津由天津道飭縣撥船載運仍令奉
天委員押運赴通兌交乾隆四十五年因奉天
頭運船二十六隻在姜家廠凍阻又二運粟米
一萬九千餘石在楊村一帶凍阻經倉場侍郎
以此兩運粟米到津該道縣給船裝載辦理已
遲若令在船存貯既恐船戶人等偷竊攙和沙
土更恐貯船日久潮濕堪虞奏明卽行陸運坐

派通倉所需車價及租賃口袋等項之費照乾隆三十九年運送奉天黑豆凍阻陸運之案責令天津道縣自行賠辦至斛收陸運米石倘有虧折應照運送黑豆短少之例令天津道縣及奉天委員各半分賠

一嘉慶九年戶部奏准採買搭運事屬權宜可暫而不可久照市價發給則費

帑不貲若概給例價則商民均累查各省每年額運到通計米三百七十餘萬石除支放俸甲等

米外尙盈餘米六十萬餘石嗣後偶遇偏災蠲
緩若在六十萬石以內則抵通之米仍可足敷
支放毋庸籌辦採買

一淮商捐穀十萬石解山東協濟照二穀一米
運米五萬石原解米四萬八千七百九十石零除
徵變米八十石外照東省部頒斛收米四萬八
千四百八十石尙不敷米一千二百九十石零
折交庫平元銀二千七百五十八兩零東省衡
工合龍正展各賑業已完竣無須再予借動奏

准將嘉慶三年截留漕糧內本年應買三限米
豆六萬九千餘石卽以准商運到大米四萬八
千四百八十石全行抵撥其餘仍買黑豆二萬
八百餘石以作本年應買之數再俟下年分別
米豆照額買運其徵變米石應行變價同折存
銀兩作爲採買豆價項下開銷

嘉慶九年

一嘉慶九年十一月奉

上諭明歲新漕因災蠲緩共有一百餘萬石其實在抵
通者計算祇敷放至十一年三月之用亟應早爲籌

備酌量採買解通以資搭放現在各省正當收兌新漕再加此項採買恐有穀貴傷民之弊各省均有常平倉貯或先於此內碾動成數如其解京該省再陸續分限補額務各籌畫盡善迅速辦理等因欽此嘉

慶十年各省辦運京倉米共一百三十萬五千

石分別搭解運通

四川省採買米三十萬石備船六百餘隻自成綿至漢口

腳價由川省報銷漢口換船運費由楚省支銷川省委員於換船後徑行運送江南瓜洲就近各於水次各州縣倉廠暫為兌收存貯於次年漕船滙帶運通山東省籌辦米二十萬石用本省回空漕船裝運赴通交納河南省酌動常平倉穀二十萬石碾米十萬石委員催船分

起運通 浙江省採購運通米一十二萬五千石在於停運軍船內挑出船九十隻編入本年出運幫船之中均勻裝載其停運軍船裝運正漕給與行月漕截銀米其搭運之米照加裝之例祇給漕截負重餘米并耗米俱照時價折給毋庸再給行月 安徽省採買米十萬石內先買米七萬石酌交軍船均勻灑帶運通交納軍丁盤費照搭運行月米之例覈給其餘三萬石俟麥熟後酌量情形另行雇船委員運通 江西省採買米十萬石令旗丁減帶土直均勻灑帶卽以應給路費抵作土直出息尙有餘賸米石令旗丁自僱民船跟隨糧艘北上 江蘇省採買米十二萬石均勻酌派幫帶運 湖北省採買米六萬石令軍船帶運加給旗丁行月負重銀兩 湖南省採買米二十萬石於幫船內撥運米五萬石其餘十五萬石僱用民船分爲三批酌派妥員分批督運

一嘉慶十年正月奉

上諭各省採辦米石如係僱用民船裝運赴通者於經由各關有應納船料地方著加恩免其完納等因欽此

一湖北省搭運採買米六萬石又湖南省採買米二十萬石內糧船帶運米五萬石州縣長運米十五萬石每石應貼給經紀箇兒錢二十七文俱免其交納動支通濟庫輕齎銀兩官爲給

發

嘉慶十年

一山東省採買米石各州縣運赴德州候幫船
回空由德州裝糧運赴京倉交卸應支潤耗行
月食米席片運隨各官養廉等項照例開銷惟
三修一項毋庸照正漕支給

嘉慶十年

一山東省採買米石並兩淮協濟大米奏明用
回空軍船再行裝運一次每船裝米五百石需
船四百三十四隻在於外河德正濟寧前後臨
清山東前臨清河南前後平山前後關內濟寧
前後東昌濮州等幫挑選堅固之艘按幫船行

走次第挨順歸併作爲五幫派運隨到隨裝派
委千總五員管押抵通交納至各幫隨幫原爲
押空而設照舊各押本幫空船南下毋庸歸併
兼押惟濮州幫起運軍船二隻爲數有限該幫
隨幫毋庸隨運併歸東昌幫隨幫管押回次至
兩淮協濟大米俱係作正起運而行月潤耗等
項又係以粟米支給此外並無護漕大米如有
盤撥顛抗折耗卽以粟米抵補

嘉慶十年

一安徽省搭運採買米石每石給負重銀五分

贈銀五分席片銀八毫五絲贈米五升贈米每

石折給銀一兩九錢

嘉慶十年

一川督奏准四川省碾運通倉米三十萬石委
員分作十運以州縣一員爲正運佐雜二員爲
協運前五運委候補道員黎學錦帶同知州英
貴彈壓後五運委川東道嚴士鋌督同通州常
連安爲照料楚省亦派道府大員分段料理至
宜昌府屬青灘一處爲目下最險之灘楚省另
派知府一員駐彼籌備撥船席片添雇頭舵灘

師以資起撥開放所需撥費楚省墊應川省解
交歸款照例報銷至行抵漢口卽會同楚員妥
爲辦理換船過載該運員等仍一手接運趕赴
瓜洲聽候指定何處水次州縣兌收存貯俟交
清之日再行回省銷差

嘉慶
十年

一四川湖南採買運通米石委員管押其過淮
渡黃出入江南山東直隸各境俱照漕糧重運
例隨時具奏倘有不遵約束及脫空散漫之運
員船戶暨催護不力之漕務備弁地方文武各

官一體查叅

嘉慶十年

一川省採買米石自瓜洲至通設有遭風虧濕除照依軍船例案隨時咨明戶部倉場外俟全行抵通後彙覈總數移咨川省妥議補交於下年由湖廣軍船搭運倘係船戶水手人等中途偷賣等弊則由押運之員防範不嚴所致卽責

令該運員賠補

嘉慶十年

一川楚採買米石民船抵通交卸後俟重運軍

船全出臨清後卽令相機南下

嘉慶十年

一川楚採買船隻行抵楊村除領用官民撥船
應給撥價及飯米折價照依軍船一體給發外
其應給官撥油船錢文已有扣存軍船油船錢
文足敷辦理免其交存天津道庫以資體恤

嘉慶

年十

一各省採買米船到通全完並無掛欠等事倉
場將押運協運總催督催各員按照運道遠近
分別奏請議敘如有應行叅處各員亦據實開

叅

嘉慶
十年

一東省採買運通米內有濟寧州收貯淮商協濟大米四萬八千四百八十石預行運貯德州水次俟糧船回空交幫運通委員盤量霉折米三千八百八十一石該州現無大米可買准將小米買抵同原盤大米一併運赴德州水次交幫兌運再回空軍船復運米石應給經紀個兒錢文查照湖北採買米石之例在於通濟庫輕齎項下動支官爲給發以紓丁力

嘉慶十年

一湖南省採買米石糧船帶運米五萬石並無

外加耗餘米石過淮抵通照平米籤盤交收

嘉慶

十年

一山東省採買米石並無編徵席片銀兩抵通

起卸本色席片一項免其交倉

嘉慶十年

一山東省採買米石到通除席片一項本無編

徵銀兩無庸交倉外其餘均照帶運漕糧之例

每正米一石交倉茶果銀五釐一毫零不給差

餘紅撥等銀

嘉慶十年

一山東省採買米石原係平米本未奏明給餘

加耗仍按平米收受

嘉慶十年

一嘉慶十年兩江總督鐵保奏准將川省運京米三十萬石以十五萬石畱於揚州平糶所有江省截畱川米一十五萬石按照部頒鐵斛兌收米一十四萬三千四百二十九石零計短缺米六千五百七十石零因沿途沉失折耗督運道員回川捐贖賠繳實收川米分派各屬平糶煮賑於秋稼登場之後酌照上年採買章程分別派買並徵還糶剩米石就近搭運至寧屬所

糶之米不能再買必須改派蘇屬代買原糶價銀多寡參差且難齎錢文致糜腳費議照糶米之六月分錢價易銀覈計寧屬原糶銀數折中攤派分給代買以昭平允蘇屬亦一律易銀採買統照十月分糧價覈銷如有盈餘批解報撥再寧屬給賑需錢其糶存錢文卽抵折賑之用於蘇藩庫應撥災屬賑銀內劃抵放給以免彼此解運之煩

一嘉慶十年奉

上諭前因湖南省押運採買米船委員等於江南山東

直隸沿途請借銀兩特降旨交阿林保查明有無浮費濫用等弊據實具奏茲據阿林保先將該省籌給經費數目及各委員沿途稟請借支接濟情形具摺覆奏湖南省採買米二十萬石除糧船搭運五萬石外共批運米十五萬石該撫已覈計水腳籌撥銀十萬六千餘兩發交各委員分領應用乃沿途又借支銀十萬二千兩較之原發經費增至一倍自係該委員等經理不善所致本年產米各省分辦運採買米

石者亦不止湖南一省何以他省米船皆無沿途借支銀兩之事而湖南委員獨屢次以河道淺滯經費不敷頻請加給運腳阿林保現已行文江南山東直隸各督撫及漕運總督詳查各省米船沿途輓運情形俟咨覆到日如實係該委員等浮支濫用卽據實參奏分別著賠以示懲儆其所請暫留該省捐監銀七萬餘兩存貯司庫與續收捐銀先行照數分解各省歸欵著照所請准其扣存撥解俟著賠之項勒限追完卽以歸還捐監原欵奏明報解該部知道欽此

嗣於嘉慶十一年四月據湖南巡撫奏准委員等因所僱民船不皆慣走長江節節換船船戶擡價居奇及上閘過壩守候多日并運河水小淤淺起撥水大逆流輓運多艱行至天津適值東阻以致費用倍增尙非辦理不善浮費濫用免其置議惟例外多用不下十餘萬兩雖查非無故糜費而報銷例有定價未便額外請銷於通省攤捐歸款以重

帑項

一湖南委員督運採買米內沿途起撥折耗及
露回氣頭同底徵變米石議令押運之員照數

賠補

嘉慶十一年

一江蘇省籌辦採買運通米石運費銀兩照搭
運支贍行月舊例辦理寧屬每運米一石給贈
銀五分負重銀五分席片銀八毫五絲贈米五
升每石折銀一兩九錢所給銀兩在於江安道
庫漕項銀內動支蘇屬每運米一石給贈銀一
錢負重銀五分贈米五升每石折銀一兩九錢

蘇松常太四府州屬每運米一石給席片銀一
釐二絲鎮江府屬每運米一石給席片銀八毫
五絲所給銀兩在於蘇松道庫漕項銀內按幫

給領

嘉慶十一年

一江蘇截留運京川米平糶另買新米交幫搭
運其武進陽湖金壇三縣糶賸米石在倉時久
色澤不一若交幫領兌長途徵變堪虞將未糶
川米概易乾潔糙種貯倉聽候搭運丹徒縣糶
賸川米經徵過夏不堪久貯咨准搭放京口兵

糧將原徵漕新米搭運交迤

嘉慶十一年

一江西江蘇二省搭運採買並河南省碾動倉
穀雇船運通米石應交茶果席片等項並應領
簞夫銀兩經戶部酌定照湖北搭運採買之例
簞夫銀兩毋庸支給茶果席片等銀毋庸交納
並令有漕各省搭運採買米石畫一辦理以免

參差

嘉慶十一年

一浙江省搭運採買米石照正漕之例每石交

納箇兒錢二十七文

嘉慶十一年

一浙江省漕白各幫搭運買還川米照搭運採買之例交納箇兒錢文以歸畫一

嘉慶十一年

一浙江省採買米石因有奏明加買耗米倉場侍郎按漕糧之例請給簞夫徵收倉茶果席片經戶部覈與湖北等省章程不符飭駁旋據倉場侍郎咨准將已領銀兩按船追交已交之銀

照數給還

嘉慶十二年

一江西吉安南前等幫在北倉王家莊失火被焚船十三隻米一萬三千餘石奏奉

上諭加恩免賠卽著本省照數籌買搭運其被燬船隻
並著動項補造至新漕在邇應如何搭解之處分別
妥辦欽此嗣據江西巡撫查奏燒燬幫船內一隻係
屬滿料責令旗丁承造其餘十二隻官爲辦理
因時屆兌漕請於明歲補造其買補漕糧按每
船二十石有零分灑通幫帶運並將停造各丁
應得行月銀米分給帶運各幫以裕下力所有
應買米石籌款發給有漕價平州縣採買齊全
隨同正漕運省投兌所需米價運腳統俟事竣

取造實用冊結咨部覈銷

嘉慶十三年

一嘉慶十三年山東省買補八年分截留漕糧
每米麥一石各給銀一兩二錢每豆一石給銀
八錢事竣覈實造報如有不敷再行找領所需
價銀在於徵存地丁銀內動支

一江西南湖宿州等幫漕米在於淮揚等處卸
貯平糶湖南應分買米十萬石因收成歉薄分
作兩年每年買米五萬石嘉慶十三年應買初
限米石於長沙等六府州屬附近水次州縣酌

量地方情形按數勻買每石先發銀一兩三錢
統俟辦竣後查明於何月收買卽照是月糧價
覈算少則補給多則追還如米石不敷採買卽
以一米二穀覈計收買官爲碾運毋許減價剋
扣致滋貽累並勒限九月內買齊十月內全數
運抵岳州水次撥給糧船帶運赴通其搭運事
宜及一切需用均照成例辦理

一湖北省搭運採買米石係奏准給以行月負
重兩項銀兩嘉慶十四年復請加給水腳盤費

經部議駁

- 一江西採買運通米十萬石照依乾隆五十五年
十一兩年採買搭運米石給軍運腳之例每石
給銀八分八毫四絲六忽二微七纖六沙其幫
丁溢領覈減運費銀兩飭令扣繳歸款
嘉慶十五年
- 一興武五太倉前廬州三等幫軍船嘉慶十七
年在惠濟閘及白田鋪地方遭風漂淌漕米一
千九百六十四石零欽奉

恩旨免令該丁等賠交該督撫等查照向例另行籌補

帶運等因欽此嗣據該督等援照成案令各該本次就近採買隨正漕搭運赴通至米價及買運腳費等銀在於藩庫地丁內動支事竣報銷其應交隨糧席片仍令原丁自行備帶照數交倉

嘉慶

十八年

一道光四年奉

上諭前據御史奈文銓奏閩省臺灣米多價賤請官為採購北運現在該撫孫爾準於四五月間巡臺卽著察看該處地方如果米多價賤應如何招商

給照或糖船裝載或另船販運務期糖稅仍無偷漏米運並無留難並覈計該處時價及運津水腳每石應得價銀若干分晰議定章程該撫一面據實奏明一面卽督飭迅速購運並知照直隸總督飭天津海口一體遵照以平市價而裕民食欽此嗣據該撫在臺招募商民運米十四萬石用糖商各船七十四隻陸續開放其鹿耳門鹿子港兩處米價每石二兩六七八錢不等淡水一處米價每石二兩四五錢不等腳價每石俱六七

錢不等按船給予免稅印照聽各自投行經戶部奏准本年直隸秋收一律豐稔糧價已平該商等自備資本遠涉重洋若仍令其自行投行按照市價糶賣必致賠累自應酌量變通官爲收買所有應給價值卽照該撫所報米價運費每石以庫平紋銀三兩六錢爲率除該商等零星銷售米石不計外著發價先行收買米十萬石計價銀三十六萬兩於部庫撥銀二十萬兩通濟庫撥銀三萬兩長蘆運庫天津道庫並天

津關稅各項下通同撥用銀十三萬兩所動部
庫銀兩卽在福建積存俸餉建曠工程平餘等
欸銀內湊足二十萬兩解部歸欸並令直督揀
派明幹大員前往天津督辦其所撥銀兩交該
員一手給發令該商等當堂領收仍先行出示
曉諭如有剋扣平色添加斗斛及吏胥留難勒
措情弊許該商指明控告該督卽行嚴辦運米
原船帶回貨物官給印照所過關津一律免稅
至各該商急公應募運米至十四萬石之多令

該撫查明擇其率運辦運資本最多尤爲出力者分別生監民人給予頂帶職銜及酌量獎賞以示鼓勵前項米石暫時北倉行令倉場於本年九月內撥運舊太倉收貯嗣因撥船難以驟集經倉場奏准統俟春融撥運

一道光六年東撫奏准山東省應行買補嘉慶二十四年截留漕糧除初二兩限業經買補搭運其米麥豆三萬三千四百二十七石零上年因秋禾歉收經武隆阿奏准緩買本年屆應買

補之期查各屬未能一律豐收且已分別派買倉穀若再將此項同時買運恐致市價增昂所有應買三限截漕緩至來年秋稔再行派買搭運

一嘉慶二十四年黃水穿運東省濮范等州縣被水成災截留漕糧賑卹奏分三限於附近水次距運河二百里以內州縣均勻採買搭運所需價銀於地丁項下先按米麥每石給銀一兩二錢豆每石給銀八錢支領買運如有不敷事

竣再行找發歸款其由陸路運赴水次腳價每石每里給銀一釐於耗羨銀內動支

道光七年

一道光二十六年欽奉

上諭訥爾經額奏江省商米運津籌議收買一摺江省招商買米由海道運至天津售賣現據該督查明米船抵津已有數隻白米銷售甚形踴躍粳米一項議定官爲收買現已籌款辦理所有此項米石卽著倉場侍郎派委坐糧廳監督一員帶同經紀斛隻速赴天津按船驗明米色再由天津道按照市價公平收

買委員分運解通以重儲備等因欽此

一道光二十六年戶部奏籌款收買商米指撥
直隸各省關銀兩徑解天津道庫封儲以備覈
給米價旋據直隸總督查報江省商販到津米
船八隻計米一萬一千四百石議定官爲收買
因河道凍阻未能運通擬令先行按照市價發
給計高白米每石價銀二兩九錢次白米每石
二兩八錢糙米每石二兩六錢所需米價卽在
前直督琦善賠款銀內動給並請

派大臣馳赴天津督同地方官照數收買俾免商船守候奉

旨天津現到海船商米著派柏葭陳孚恩前往該處督同地方官刻卽照數收買俾免守候並著加謹收儲一俟春融卽行妥爲運通欽此

一籌備京倉招商承辦米石運津付價據蘇省商人沈杏堂願莖等認買粳米十萬石每石連耗沙船水腳等項共合銀二兩二錢應需米價於運津兌卸後由津照數發給內願莖認買米

五萬石因資本不敷請在本省每石先借運本銀一兩所借銀兩在於海關洋稅項下借撥動用米石運津按數覈扣仍飭各商連環互保如有不測卽由各商認賠並照案請

欽派大臣前赴天津督同地方官辦理

道光二十六年

一道光二十七年欽奉

上諭璧昌等奏招商運米赴津續又買定十萬餘石請欽派大臣收買一摺著派花沙納陳孚恩前往該處督同地方官於米船到津之時刻卽照數收買俾免

守候並著加謹封貯妥爲運通欽此

一江蘇巡撫奏准籌裕京倉由蘇省招商採辦
粳米十萬石每石按二兩四錢價值由該商墊
辦採買運津後再行給價內商人郁森盛等認
辦米八萬石照案在津領價其願墊等認辦米
二萬石據稱無須在北置貨所有價銀四萬八
千兩准於到津兌卸後給發收照回南呈繳在
於南省關庫洋稅項下按數發給作正開銷

道光

二十
七年

一安徽省籌裕京倉米石因糧價昂貴不便採買於歷年節省項下籌撥米價銀十五萬兩以爲京倉採買之需議令迅解部庫另款存儲留爲湊買米石或搭放米折銀兩之用隨時察看情形奏明辦理

一江西省採買米一萬三千石鹽義倉穀碾米八千石常平倉穀碾米五萬石捐輸米五萬一千九百餘石共米十二萬二千九百餘石分給十三幫軍船均勻搭運捐輸米石腳耗由各捐

員自行捐給所有鹽義倉穀碾米及採買米每石給運腳銀三錢五分耗米二斗折銀二錢動碾常平倉穀除令州縣量給耗米外每石給運腳銀三錢五分一釐均由司庫動放按船散給造冊請銷

以上道光三十年

一安徽省奏開米捐濟賑共捐米六萬八百五十餘石除放給工賑外餘米一萬七千三百五十六石當卽糶濟民食嗣因糧價平減將所糶銀兩採買米二萬六百二十石由各幫軍船灑

欽定大清會典事例
卷之四
三
帶運通交納

咸豐元年

一江蘇省徵收漕糧減少據兩江總督怡良等

奏採買補運將應徵地丁分限勒令各屬按數

徵解司庫委員採買米五萬石併同金山等縣

漕米由海運津

咸豐四年

一奉天省米價平減戶部奏請動撥山海關稅

銀四萬兩以備採買之用復據

盛京將軍慶祺等奏在於錦州一帶就近採買粟

米四萬餘石嗣經山海關監督先後解到銀四

萬兩陸續共買粟米四萬二千四百石按照市價每石八錢四分及九錢八分不等覈計淨需米價銀三萬七千五百六十二兩其餘銀兩除開銷陸運車腳鋪船席片押船官兵飯食等項應用外餘贖照例呈交其由海運津由津運通一切費用由直隸總督飭令天津道照奉天年例運通米豆之案查奉省年例起運米石由海運津水腳每百石銷銀十四兩由津運通撥價每百石銷銀八兩一錢覈實開銷經戶部議准咸豐七年

一福建省採購米一萬石捐輸米一萬石另備

耗米二千石雇募海船裝運並派員駐津兌收

其採購米價在於徵存茶稅項下動支

咸豐十一年

一咸豐十一年戶部奏籌備京倉議由江蘇省

採買米石按照市價覈實酌定所需米價在於

江海關洋藥稅並淮商販運鹽課項下提用旋

據江蘇巡撫薛煥奏各商陸續認買米十一萬

三千石稔和並辦計稔米每石庫平銀三兩三

錢五分稔米每石庫平銀二兩九錢五分其沙

船經撥食耗等米照海運漕糧辦理覈入米價
內由該商自行備帶給發經戶部議令將所報
米價以二兩平銀覈給先由本省每石發價銀
一兩其餘應找米價驗收後由天津道照數發
給所有應找米價卽於部庫所存漕折項下並
直隸藩運兩庫籌款墊發其不敷米價照實運
米數飭令商船回滬劃領嗣於同治二年江蘇
巡撫李鴻章奏實運通米九萬四千六百九十
石其短運米石並未領價請免補運經戶部議

覆照准

一江蘇省採買粳秈米石運津先據直隸總督包封米樣送部查有黑色細碎米石行令駁回毋庸兌收將在南原給價銀於現收應找米價內扣抵嗣據該紳董等稟請將退回秈米換米補運經直隸總督咨部覈准原領米價銀兩暫免覈扣出天津道按船給予咨文飭令回南照數易換乾潔好米運津交兌

同治元年

一天津採買米石戶部奏准動用漕折項下銀

十萬兩於長蘆運庫應解京餉銀內劃撥由三
口通商大臣督飭天津道設局按照時價委員
採買計實運通粳米三萬石每石庫平銀三兩
一錢七分至三兩三錢九分不等共支米價庫
平銀九萬七千六百五十四兩二錢七分五釐
其由津運通水腳經費照案每百石准銷銀八
兩一錢共支庫平銀二千四百三十兩尚不敷
銀八十四兩二錢七分五釐由天津道庫徵存

海稅項下動支

同治二年

一福建省採購米二萬石內金合勝一船分裝
正米八百石耗米七十二石在洋道風漂沒經
福建巡撫奏在於預籌折耗項下籌撥銀兩解
交天津就地買米八百石補運交倉

同治三年

一浙江省動撥釐金項下銀兩採買米三萬石
由海通津應需水腳仿照起運正漕之例辦理
米石運津後責成天津道兌收毋庸坐糧廳攜
帶經紀前往其由津運通撥價等項查照道光
二十七等年歷屆採買成案每米百石准銷銀

八兩一錢此項銀兩仍由該撫籌解齋赴天津

交天津道收用

同治六年

一總理各國事務衙門知照採買洋米一萬三千七百五十四石計每石價銀二兩二錢七分所有抵津米石兌交三口大臣查收用過洋銀

請在輪船變價項內開銷

同治七年

一同治九年欽奉

上諭文煜等奏籌辦運濟京倉米石請援照成案辦理
一摺本年閩省籌款購米運赴京倉據文煜等奏稱

一面派員仍赴上海臺灣等處一面招商採購共辦
粳米秈米十萬石運津交收請在閩海關四成洋稅
項下撥銀採辦並請援案免釐及派員赴津會收等
語所辦均與成案相符此次該省赴上海採辦之米
石卽著丁日昌轉飭蘇松太道遵照同治七年成案
給照免徵釐稅查驗放行其採辦銀兩著准於閩海
關四成洋稅項下動撥銀十五萬兩以供採辦至運
通撥價等項卽由文煜等籌交道員吳大廷轉解該
省米船不日卽可抵津著曾國藩英元畢道遠崇厚

劄飭天津道先期預備一俟船隻進口卽會同閩省
委員隨驗隨運不准稍涉延誤欽此續據福州將軍
文煜等奏閩省採辦京米十萬石全數運津交
收按時價據實報銷計臺灣採辦秬米六萬石
連耗每石一兩九錢六分上海採辦粳米四萬
石連耗每石二兩零七分雇用火輪夾板船裝
運赴津由臺灣雇用火輪船每石給水腳銀八
錢七分夾板船每石給水腳銀八錢二分由上
海雇用火輪船每石給水腳銀八錢夾板船每

石給水腳銀七錢五分由津運通撥價經費照
案每百石給銀八兩一錢所有需用米價船費
及運米雜支各款銀兩由閩海關四成洋稅及
福建稅釐項下撥用作正開銷

一江蘇省秋收減歉不敷冬漕米石籌款採買
足數隨同正漕由海運津所需米價運腳在於

正雜等款銀內提用

同治九年

一同治十一年欽奉

上諭文煜王凱泰奏採購米石運京濟賑一摺直隸春

賑需用米石文煜等現已派員分赴臺灣上海買足米四萬石於今春開河時用官置輪船分批運津並擬添雇商船配運以資周轉此項米石剋日抵津著李鴻章將收米事宜早爲預備遴派幹員經理飭令隨到隨收不得勒索稽延致滋流弊其米船經過各省並著曾國藩文煜何璟楊昌濬丁寶楨王凱泰海緒分飭各該地方官於此項米船過境概免釐稅查驗放行文煜等此次購米動用款項著准其查照上屆成案辦理欽此續據福州將軍文煜等奏閩省奉

旨購米四萬石運津濟賑按照時價採購計臺灣採辦
和米一萬石連耗每石一兩九錢六分上海採
辦粳米三萬石連耗每石二兩一錢雇用輪船
分批運津所需米價船費及運米雜支等款統
共用銀一十一萬八千五百一兩內撥閩海關
四成洋稅銀五萬兩不敷之銀在稅釐項下支
用作正開銷

倉糧運通

一嘉慶九年籌備京倉米石豫省安陽等縣碾
動常平漕薊等倉穀二十萬石二穀一米共碾
米十萬石委員雇船運通其碾穀間有盈餘米
石爲起撥盤運上倉折耗之用毋庸另行開支
耗米俟年豐價平動項買穀還倉至碾運米石
自各縣城運至衛輝等處水路每石每里給運
腳銀一毫陸路每石每里給運腳銀一釐四毫
經由山東每石每里給水腳銀二毫經由直隸

每石每里給水腳銀一毫五絲又盤費銀兩總
運官一員係知府大員例不支給外其領運官
六員每員日給盤費銀一錢總運官隨帶跟役
四名領運官每員隨帶跟役二名每名日給飯
食銀六分又行抵楊村河水較淺借用官船起
撥照例起四留六起撥米石每百石例給水手
工食錢三千文合銀開支又每百石例給撥船
飯米一石二斗照時價折給又米石抵通經紀
轉運交卸照依通倉洪斛覈算每石給經紀箇

見錢二十七文合銀開支以上各款銀兩每百兩扣市平銀二兩實用銀兩俱於耗羨銀內動支

一嘉慶十九年籌濟缺額漕糧湖南湖北江西各省酌碾常平倉穀二十萬石湖南巡撫奏准湖南省漕船一百七十八隻計可帶裝五萬石現有應搭運米一萬五千餘石止可灑帶米三萬六千石倉穀二十萬石計碾米十萬石除灑帶外餘米六萬四千石如同時起運須僱民船

覈計漕船灑帶每石止給二耗折價及負重京
腳共銀三錢三分九釐如僱民船每石需銀一
兩九錢有零耗費實多所有存米六萬四千石
俟下屆灑帶運通湖北巡撫奏准酌派倉穀十
萬石碾米五萬石借撥荊州兵米二萬石交漕
船搭運一體給與行月負重水腳銀兩每石給
耗米三升除借撥南米二萬石各州縣本有鼠
耗三升照數給予其碾辦倉穀米石應給丁三
升耗米在外籌捐米石到通請以平斛兌收旗

丁例帶撥船之外再加帶撥船一隻分灑帶運
添船津貼酌量捐給其借撥荊州南米二萬石
照時價採買供支還款江西巡撫奏准酌派倉
穀二十萬石碾米十萬石出運各船均勻灑帶
每石給水腳銀三錢五分七釐沿途起撥折耗
仍飭承辦州縣量爲津貼碾動穀石俟來歲秋
成察看情形照依時價買補

一嘉慶二十年奉

上諭翁元圻奏本年湖南省應行灑帶運通米六萬四

千石該軍船尙有裝運額糧若灑帶過多丁力未免拮据著照所請准其分限於二十二二十一兩年均勻搭運該部知道欽此

一山東巡撫奏准東省協撥直省備賑米八萬石除上年碾動倉穀先運米五萬石外其後運米三萬石徑運通倉其僱繹起撥等費酌量增

給

嘉慶二十三年

一倉場奏准豫東二省續運協撥直省備用粟米五萬五千五百石查係碾動各屬倉穀新陳

不一未便換陳開放請於現在應放甲米倉口

另廠存貯先行開放

嘉慶二十三年

一湖南岳州等衛漕船失風沉失米石經該撫奏明在於附近水次州縣常平倉內動支穀石碾米灑帶通倉交納所需運腳及買穀還倉腳價銀兩事竣分別報銷此項補運米石非正漕可比所有給丁二耗鼠耗等米並赴通運費毋

庸議給

嘉慶二十四年

一湖南省動支倉穀四十萬石碾米二十萬石

分作五年搭運每石給旗丁耗米折價京腳負
重等銀三錢三分九釐共需銀六萬七千八百
兩於地丁項下分年開支其運至岳州水次所
需水腳役食等項每石自九分五六釐至一錢
七八釐不等按程途遠近市價低昂造銷至搭
運米一石津貼旗丁銀三錢共需銀六萬兩由
碾米州縣墊給係撫藩道府分捐五年還欸

道光

四年

一豫省動撥常平倉穀四十萬石碾米二十萬

石運通豫撫奏准各項運脚河北三府屬照嘉慶九年成案河以南之有漕州縣照依程站開銷其距水次較遠州縣陸運祇准以四百里爲率請銷如有不敷由通省捐貼所碾之米分爲

二次運送

道光五年

一豫撫奏准豫省餘贖薊糧項下自十八年停運後實存米一萬七千二百餘石穀五萬七千餘石於道光七八兩年冬運每次動撥一萬石搭運赴通仍令先儘各幫漕船內均勻灑帶如

有餘贖雇船裝運俟二年後積有贏餘屆期查
明奏辦其潤耗行月等項均照灑帶雇募各成

案辦理

道光七年

一江西省動碾鹽義倉穀米三萬三千石改由
糧船灑帶運通每石酌給耗米折銀二錢水腳
銀三錢五分動用庫項給發事竣覈實報銷

道光七年

二十七年

一道光二十二年籌備京倉米石豫省安陽等
縣動用常平倉穀三萬石按一米二穀碾米一

萬五千石另備減船二十三隻裝運赴通交納

前項碾運米石自各縣城運自衛輝楚旺等處

水陸運腳照嘉慶九年道光五年成案撥給

水路

每石每里給銀一毫陸路
每石每里給銀一釐四毫並照新章每百兩扣

減平銀六兩實用銀數照例支銷仿照碾運

米之案每石給潤耗銀四分三毫零米四升三

勺零行糧銀一分六釐六毫零米二升八勺六

抄九撮零月糧銀六分六釐七毫零米八升三

合四勺七抄零計碾米一萬五千石除雇船並

灑掃支給潤耗行月等米外實運通米一萬三千一百三十七石三斗五升七合三勺以上支給水陸腳價潤耗行月等銀俱在於耗羨銀內動支扣收減平銀兩飭令造入撥冊報部酌撥

成豐元年題准